



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

TAB. I.




Fig. 2.




Fig. 1.




Fig. 3.

III. *Ex Veterum Prussorum RE ANTIQUARIA Schediasma, a D. Jac. Theodoro Klein Reipubl. Gedan. a Secretis, R. S. S. cum D. Hans Sloane, Bar^t. R. S. Pr. communicatum.*

INTER varia Veterum Prussorum & Utenfilium & Luxus sui vel Ornamenti monumenta, olim circa funerationes terræ concredita, rursus e terra aliquando eruuntur ex Ære ductili affabre tornatæ complicatæque triplices lineæ, quæ vel laxatum Cingulum ex unico aut duplici triplicive circulo constantem effingunt, vel Coni figuram e basi sua per Spiram assurgentis, apice truncato repræsentant, cujus Spiræ ex ære nobiliori tam egregia elasticitas, ut facile comprimi & facilius in figuram conoidalem remitti queat, ita quidem, ut plus quam quatuor horæ minuta requirat, antequam ab impulsu requiescat.

Prioris Generis de Historia naturali optime meritis *Helwingius Præpos. Diæco. Algerb. Lithograph. I. p. 91. §. 2.* Funiculos metallicos vocat, eosque Cinguli loco destinatos fuisse recte judicat; illos, qui in Conum truncatum assurgunt, CORONAS SEPULCRALES (*ibid. §. 4.*) appellat, in Sepulcretis obvias, sed rarissime integras.

SIMILEM, ex omni parte integram & liberam ab Æruginē, (*vid. TAB. I. Fig. 1.*) cujus Diameter in basi $6\frac{7}{8}$ pollices Rhinland. adæquat, anno 1726. in Museum nostrum deposuit vir admodum Reverendus, simulque Sententiam suam in literis ad me datis exposuit; nimirum, hujusmodi Conum spiralem fuisse Simulacrum Serpentis ænei Israelitarum, cum quibus veteres Prussi

Prussi multa circa Cultus suos Idololatricos communia habuerint, quod Simulacrum demum loco Amulci in Sepulcra deposuerint; ut *Serpentes*, quos Prussi veteres pro Diis coluerunt, post obitum quoque reverenter habiti, Cadaveribus non nocerent.

Proculdubio Vir Doctissimus hujus gratia secutus est Castra eorum, qui Virgines Veterum Prussorum ab Israelitis, quos *Salmanassar* in captivitatem abduxit, deducere satagunt; quorum tamen opinionem *Christoph. Hartznock, Dissert. III. p. 48. §. v.* labefactavit.

Ast, licet verum sit, Prussos Ethnicos præter *Dios-Tres* majores, *Percunum, Pikollum, & Potrimpum*, imo præter Solem, Lunam, Stellam, Lucos, Fontes, Alcem, Bufones, aliasque Bestias, etiam Serpentes veneratos, eisdemque & cultu & litamine ex lacte parato, in Quercubus præcipue cavis, quæ inauditæ plerumque magnitudinis & crassitie, (*vid. Hartknock Dissert. VI. de locis Divino cultui dicatis*) proscutos esse*; licet quoque egomet ipse in Lithuania Prussiæ orientali subjecta sæpius observaverim, Serpentes infantibus adeo familiares esse, ut iisdem cochlearia lacte plena circumverterint, quorum esurientium ejulatu Parentes accersiti nihil contra indiscretos hospites ausi sunt, nisi quod eosdem pariter ac volatilia domestica a prandiis liberorum fugaverint: nullatenus tamen exinde inferri poterit, Prussos antiquos hac ærea Spira respectum habuisse ad Serpentem æneum Moïsis, nisi nobis etiam persuadere velimus, quod

* Qua ratione, quibusve Cæremoniis epula Serpentibus sint parata, vid. *Hartkn. in Ant. & Nova Prussia, p. 63. Conf. Dissert. ejus VIII.*

respectu Afflictionum Ægyptiacarum, nimirum 2^{dæ}, 3^{tiæ}, 4^{tæ} & 8^{væ}, Bufones, Ranas, & plurima Infecta singulari cultu sint profecuti, eorundemque simulacra sibi comparasse. Neque verisimile est, ex veneratione erga Serpentes, quos, forsan ultra numerum, vivos in Ollis conservarunt, iisdemque valde familiares fuerunt, eorum insuper Idola, & multo minus Amuleta Serpentiniformia fabricasse, ut Cadaveribus sepultis de Serpentibus caverent, cum extra dubium est, quod veteres Prussi mortuos non aliter quam crematos terræ mandaverint, cujusmodi funerationes temporibus Ducis *Alberti* necdum aboliri potuerunt, hinc Cadavera Amuletis contra injuriam Serpentum non indignis. Cum, quod reliquum est, notissimum sit, veteres Prussos per Secula rudissimum fuisse populum, (*vid. Henneberger, in libr. de vet. Pruss. fol. 5.*) qui nec lanas ducere, nec ferrum, multo minus ænea vel utensilia vel luxui inservientia vasa parare didicerint, quin potius pro Hastis & Ensisbus Clavos horribiles, & pro malleis cuneisque ferreis lapides ad usus & domesticos & bellicos (qui diu sub nomine Cerauniarum venditati sunt) adaptaverint, nihilominus tamen non sine omni industria.

Summa itaque præmissorum hæc: Ceimelium nostrum nullam relationem ad simulacrum Serpentis ænei Moïsis habuisse, multo minus Probabilitatem Amuleti contra morsus Serpentum involvere; neque ex antiquissimis veterum Prussorum temporibus, sed ex medio potius eorum ævo originem trahere.

Unde autem Clarissimus *Helwingius* in *Alleg. §. 4.* adductus fuerit, ut vetus hoc monumentum titulo Coronæ Sepulcralis insigniverit, hariolari non possumus; quippe neque figura ullo modo Coronam æmu-

æmulatur, nisi dicere velis, Philosophiam Prussorum, occasione funerationis, quæ causa quandoque maxime lugubris, prout mors homini naturali omnium terribilissimum est, Coronæ loco ejusmodi Spiram tremulam excogitasse; neque apud ullum Auctorem vestigium apparet, veteres Prussos mortuos suos cum ejusmodi Cæremoniis, quibus nos utimur, ad funerationes exportasse, ita ut Virginis vel Juvenis loculum Corona ornaverint; cum neque ullibi Coronæ Sepulcralis mentio sit facta, quæ in honorem Defuncti vel ad latus ejusdem, vel ad caput, vel etiam ad pedes, prout apud nos viris, qui in Cœlibatu supremum obierunt diem, in Sepulchro deposita fuerit.

Sufficient autem sequentia, quæ Summam rituum funerandi Defunctos exhibent ex fide nostri *Hartknochii Dissert. XIII de Funeribus Vet. Pruss. p. 193. seq.* præter reliqua: “ Cum Defunctus erat tumulo
 “ inferendus, primo pyræ impositus comburebatur,
 “ deinde optimæ quoque vestes rogo injiciebantur, ut
 “ & canes venatici, equi, arma, aliaque defuncto,
 “ dum viveret, acceptissima.— Injiciebant quoque
 “ Annulos æreos, ut & Armillas æreas, præsertim si
 “ defunctus Christianorum sacra susceperat.” Et paulo post ex *Erasmo Stella*: “ Exutos spiritu, ar-
 “ matos vestitosque, ac magna Supellectilis parte
 “ circumposita, humarunt.”— Demum ex *Jacobi Leodinenfis* Privilegio Prussis dato: “ Promiserunt
 “ (Prussi) quod ipse & Hæredes eorum in mortuis
 “ comburendis vel subterrandis cum equis, sive homi-
 “ nibus, vel cum armis seu vestibus, vel quibus-
 “ cunque aliis rebus pretiosis, vel etiam aliis quibus-
 “ cunque ritus gentilium de cætero non servabunt,
 “ sed

“ sed mortuos suos juxta morem Christianorum in
 “ Coemeteriis sepelient.”

His omnibus rite perpenſis, confidimus jure affirmare poſſe, Monumentum, de quo nobis ſermo eſt, ad Supelleſtilem veterum Pruſſorum, & quidem Nobilioris Ordinis ſpectaſſe, & non niſi ARMILLAM, qua defunctus vel defuncta, ſive in ſignum optime de Patria meritorum vel Nobilitatis, ſive ſingularis ornatus luxuſque gratia uſi ſunt, fuiſſe, quæ cum reliqua Supelleſtilis parte circum Cadaver poſita tali modo in terram devenerit, donec noſtris temporibus aliquando in lucem ruſus extrahatur.

Confirmavit ſententiam noſtram Doctiſſimus *Thomas Bartholinus*, qui in *Schedio* ſuo de *Armillis Veterum*, pag. 48. figuram exhibet Armillæ Brachialis pluribus Circulis inter ſe connexis ex Muſeo Anti-quario *Olai Wormii*, nunquam ab aliis annotatæ; quam pag. 49. ſtupendæ Antiquitatis monumentum, dignum poſteriorum memoria appellat. Quæ ſi cum noſtro Ceimelio debite conferatur, nescio, quid obſtaret, quo minus Noſtram ARMILLAM BRACHIALEM veterum Pruſſorum, & quidem pari jure cum *Wormii* Armilla, ſtupendæ Antiquitatis noſtræ monumentum, nunquam ab aliis annotatum dignumque Poſteriorum memoria ſalutaremus.

Structura ejus laxior inſuper magiſque fluens, quam *Wormii* Armilla, eſt, ita ut ſuper manica Brachii applicata Humerum Cubitumque ſimul commodè ſtringere poſſit. Neque pro Plebeia, quod ærea eſt, cenſeri credas; cum aureas vel argenteas apud nos unquam effoſſas non audiverim. Aſt Plebeiarum veſtigia in hunc uſque diem ſuperſunt circa Ornatus
 utri-

utriusque Sexus in Lithuania Prussiæ orientalis, qui veri Prussorum veterum Descendentes, & Curlandiæ, qui diebus in primis solennibus Ossa Cubiti eadem plane figura, qua Armilla ærea apparet, arctius licet, vel ex serico & lana contextis fasciis (si ditiores sunt) vel Fimbriis variegatis cujuscunque Panni (si pauperiores) constringunt. Moris iisdem adhuc quoque est, Abdomine minimum duobus & quidem similibus cingulis vincto, superbire.

Propter affinitatem cum Armilla hac Brachiali veterum Prussorum, libet eidem adjungere Annulum ragentem, (*vid.* TAB. I. Fig. 2 & 3.) quem ante annum, & quod superfluxit temporis spatium, vir prænob. Dn. *Andreas Lilienthal*, S. R. Maj. Boruss. a Consiliis Belli & Redituum, Cameræ Regalis, in Urna Prussica effossa inventum mihi tradidit, similibus lineis convolutis pro Gemma contextis, reliquo in duas extremitates sibi non conjunctas, sed invicem vicinas, circumque formantes, excurrentem, ita ut digitum plus minusve crassum æqualiter ambire possit.

Expedito hoc Schediasmate a Viro Consulari Gravissimo Dn. *C. G. Ehlero* ex Diario, quod 1734. & 1735. Petropoli præsens per Filium suum conscribi curavit, & edocti sumus, Toreumata non nisi Aurea varii generis, ad nostrum Ceimelium æreum proxime accedentia in ditissimo totius Russiæ Autocratricis Antiquitatum Thesauro, ubi inprimis Sinensia asservantur, observata: Quæ Bibliothecarius Sacræ Imperialis Majestatis ex Sepulcretis, nescitur tamen cujus regionis, effossa esse & pro Armillis haberi affirmaverat.